



SLUŽBENI GLASNIK OPĆINE KALESIJA

Godina: XLII

Petak, 06.03.2007. godine
K A L E S I J A

Broj: 2

OPĆINSKO VIJEĆE

13

Na osnovu člana 56. Zakona o eksproprijaciji („Sl. list SRBiH“, broj 12/87) i člana 3. Zakona o izmjenama i dopunama Zakona o eksproprijaciji („Sl. list SRBiH“, broj 38/89) shodno odredbama člana 41. Statuta općine Kalesija („Sl. glasnik općine Kalesija“, br.7/03 i 12/05), Općinsko vijeće Kalesija na sjednici održanoj dana 28.02. i 05.03.2007. godine, d o n o s i

ODLUKU

o određivanju naknade za preuzeto građevinsko zemljište u 2007. godini na području općine Kalesija

Član 1.

Naknada za 1m² građevinskog zemljišta koje se izuzima od ranijih vlasnika na području općine Kalesija u 2007. godini određuje se u procentu od prosječne konačne građevinske cijene 1m² korisne stambene površine koja je formirana u prethodnoj 2006. godini na području općine Kalesija.

Član 2.

Prosječna, konačna, građevinska cijena 1m² korisne, stambene površine izgrađene na području općine Kalesija u prethodnoj 2006. godini iznosi 700,00 KM.

Član 3.

Za 1m² građevinskog zemljišta u državnoj svojini koje se izuzima od ranijih vlasnika na području općine Kalesija u 2007. godini određuje se visina naknade u procentu od prosječne konačne, građevinske cijene za 1m² korisne stambene površine i to :

I zona - u procentu od 2,0 % što naknada za 1m² građevinskog zemljišta iznosi 14,00 KM

II zona - u procentu od 1,95 % što naknada za 1m² građevinskog zemljišta iznosi 13,65 KM

III zona - u procentu od 1,90 % što naknada za 1m² građevinskog zemljišta iznosi 13,30 KM

IV zona - u procentu od 1,50 % što naknada za 1m² građevinskog zemljišta iznosi 10,50 KM

V zona - u procentu od 1,20 % što naknada za 1m² građevinskog zemljišta iznosi 8,40 KM

VI zona - u procentu od 1,10 % što naknada za 1m² građevinskog zemljišta iznosi 7,70 KM

Član 4.

Naknada iz člana 3. ove Odluke pripada vlasnicima odnosno posjednicima građevinskog zemljišta koje se izuzima od ranijih vlasnika, a obezbjeđuju je korisnici eksproprijacije.

Član 5.

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj, 01-05-2-645
Datum, 28.02.2007. godine

PREDSJEDAVAJUĆI
OPĆINSKOG VIJEĆA

Hata Mujčinović, dipl. ing. tehn. s.r.

14

Na osnovu člana 4. Zakona o prometu nepokretnosti („Sl. list SRBiH“, broj 38/78, 4/89, 29/90, 22/91), te člana 44. i 45. Statuta općine Kalesija („Sl. glasnik općine Kalesija“, br. 7/03 i 12/05), Općinsko vijeće Kalesija na sjednici održanoj dana 28.02. i 05.03.2007. godine, d o n o s i

ODLUKU

o gubljenju statusa nepokretnosti u opštoj upotrebi

Član 1.

Utvrđuje se da je izgubilo status nepokretnosti u općoj upotrebi zemljište i to:

- dio u površini od 8 m² od parcele označene kao kč. broj 2821 zvana „Put za Vukovije Gornje“, u naravi nekategorisani put ukupne površine od 12983 m² upisane u posjedovni list broj 258 KO Vukovije kao javno dobro putevi Kalesija po novom premjeru, a po starom premjeru označena sa kč. broj 153/7 u površini od 8 m² upisane u ZK uložak broj 356 Iskaza I KO Vukovije.

Član 2.

U Odsjeku za geodetske poslove Općine Kalesija kao i ZK uredu Općinskog suda Kalesija, brisat će se izvršeni upis navedenog zemljišta kao nekretnina u općoj upotrebi – put, odnosno javno dobro putevi, a navedeno zemljište će se upisati kao državna svojina u odgovarajući zemljišno knjižni uložak i posjedovni list, s nosiocem prava raspolaganja Općinom Kalesija.

Član 3.

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj, 01-05-2-646
Datum, 28.02.2007. godine

PREDSJEDAVAJUĆI
OPĆINSKOG VIJEĆA

Hata Mujčinović, dipl. ing. tehn. s.r.

15

Na osnovu člana 26. stav 3. Zakona o principima lokalne samouprave u federaciji Bosne i Hercegovine („Sl. novine FBiH“, broj 49/06) člana 41. a u vezi sa članom 104. Statuta općine Kalesija („Sl. glasnik općine Kalesija“, br. 7/03 i 12/05), Općinsko vijeće Kalesija na sjednici održanoj dana 28.02. i 05.03.2007. godine, d o n o s i

ODLUKU

I

Ovom Odlukom Općinsko vijeće Kalesija, na osnovu prihvaćene inicijative naseljenog mjesta Zates za izdvajanje iz sastava Mjesne zajednice Rainci Gornji i osnivanje zasebne mjesne zajednice, utvrđuje datum održavanja referenduma, organe koji će isti provesti na način obezbjeđenja potrebnih sredstava.

II

Referendum, na kome će se građani naseljenog mjesta Zates, izjasniti o inicijativi o inicijativi iz tačke I ove Odluke će se održati dana 07.04.2007. godine.

III

Referendumsko pitanje, kao i ostala pitanja u vezi procedure po kojim će se referendum provesti, utvrdiće posebna komisija koju će imenovati Općinski načelnik, a ista će po provedenom referendumu sačiniti izvještaj sa prijedlogom odluke, koja će u skladu sa rezultatima referenduma, biti podnesena Općinskom vijeću na usvajanje.

IV

Potrebna sredstva za provođenje referenduma će biti obezbijedena putem budžeta općine Kalesija, sa pozicije budžetske rezerve.

V

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj, 01-05-2-647

PREDSJEDAVAJUĆI
OPĆINSKOG VIJEĆA

Hata Mujčinović, dipl. ing. tehn. s.r.
Datum, 28.02.2007. godine

16

Na osnovu člana 26. stav 3. Zakona o principima lokalne samouprave u federaciji Bosne i Hercegovine („Sl. novine FBiH“, broj 49/06) člana 41. a u vezi sa članom 104. Statuta općine Kalesija („Sl. glasnik općine Kalesija“, br. 7/03 i 12/05), Općinsko vijeće Kalesija na sjednici održanoj dana 28.02. i 05.03.2007. godine, d o n o s i

ODLUKU

I

Ovom Odlukom Općinsko vijeće Kalesija, na osnovu prihvaćene inicijative naseljenih mjesta brda, Hrvačići, i Križevci za izdvajanje iz sastava Mjesne zajednice Kalesija Gornja i osnivanje zasebne mjesne zajednice, utvrđuje datum održavanja referenduma, organe koji će isti provesti na način obezbjeđenja potrebnih sredstava.

II

Referendum, na kome će se građani naseljenih mjesta Brda, Hrvačići i križevci, izjasniti o inicijativi o inicijativi iz tačke I ove Odluke će se održati dana 07.04.2007. godine.

III

Referendumsko pitanje, kao i ostala pitanja u vezi procedure po kojim će se referendum provesti, utvrdiće posebna komisija koju će imenovati Općinski načelnik, a ista će po provedenom referendumu sačiniti izvještaj sa prijedlogom odluke, koja će u skladu sa rezultatima referenduma, biti podnesena Općinskom vijeću na usvajanje.

IV

Potrebna sredstva za provođenje referenduma će biti obezbijedena putem budžeta općine Kalesija, sa pozicije budžetske rezerve.

V

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE

PREDSJEDAVALAČI
OPĆINSKOG VIJEĆA

Broj, 01-05-2-648

Hata Mujčinović, dipl. ing. tehn. s.r.

Datum, 28.02.2007. godine

17

Na osnovu člana 29. u vezi sa članom 106, 108 i 114. Zakona o zaštiti i spašavanju ljudi i materijalnih dobara od prirodnih i drugih nesreća («Službene novine Federacije BiH», broj: 39/03 i 22/06), te člana 60. stav 3. i 4. Pravilnika o načinu rada i funkcionisanju štabova i povjerenika civilne zaštite («Sl. novine Federacije BiH» 77/06 i člana 41. Statuta Općine Kalesija («Službeni glasnik općine Kalesija», broj 7/03 i 12/05), Općinsko vijeće Kalesija na sjednici održanoj dana 28.02. i 05.03.2007. godine, d o n o s i

ODLUKU

o osnivanju Općinskog štaba civilne zaštite

I – OPĆA ODREDBA

Član 1.

Ovom Odlukom osniva se Općinski štab civilne zaštite (u daljem tekstu: Općinski štab), kao stručno-operativno tijelo općine Kalesija (u daljem tekstu: Općina) za zaštitu ljudi i materijalnih dobara od prirodnih nepogoda i drugih nesreća, utvrđuje njegov djelokrug rada, organizaciju, popunu, finansiranje, opremanje, obučavanje i osposobljavanje i druga pitanja od značaja za organizaciju i rad Općinskog štaba.

II – NADLEŽNOST OPĆINSKOG ŠTABA I NAČIN OSTVARIVANJA FUNKCIJE

Član 2.

Općinski štab je stručno-operativno tijelo koji je ovlašten za izvršavanje poslova koji su mu Zakonom o zaštiti i spašavanju ljudi i materijalnih dobara od prirodnih i drugih nesreća (u daljem tekstu: Zakon), stavljeni u nadležnost.

III – ORGANIZACIJA I SASTAV OPĆINSKOG ŠTABA CIVILNE ZAŠTITE

Član 3.

Općinski štab čine komandant, načelnik štaba i 12 članova štaba.

Član 4.

Komandanta Općinskog štaba civilne zaštite imenuje Općinski načelnik iz reda pomoćnika Općinskog načelnika.

Član 5.

Načelnik Općinskog štaba civilne zaštite je po položaju pomoćnik Općinskog načelnika za poslove civilne zaštite.

Član 6.

Članovi Općinskog štaba su:

1. Viši samostalni referent za operativne poslove i obuku,
2. Referent za mjere zaštite i spašavanja i popunu struktura civilne zaštite i građana,
3. Referent za mjere zaštite i spašavanja i kartoteku,
4. Referent u Operativnom centru,
5. Komandir TVJ Kalesija,
6. Sekretar Općinskog crvenog križa,
7. Pomoćnik načelnika za poduzetništvo i budžet,
8. Pomoćnik načelnika za urbanizam, geodetske - imovinsko-pravne poslove i infrastrukturu,
9. Pomoćnik načelnika za opću upravu, boračko-invalidsku zaštitu i raseljena lica,
10. Načelnik Policijske uprave Kalesija,
11. Direktor JZU «Dom zdravlja « Kalesija i
12. Direktor JU «Veterinarska stanica» Kalesija.

Član 7.

Komandanta, načelnika i članove Općinskog štaba postavlja i razrješava Općinski načelnik na prijedlog Pomoćnika načelnika za poslove civilne zaštite, a u skladu sa članom 6. ove Odluke.

Općinski štab vrši poslove iz svoje nadležnosti samostalno i za svoj rad je odgovoran Općinskom načelniku.

Član 8.

U izvršavanju najsloženijih zadataka zaštite i spasavanja Općinski štab može angažovati i druge službenike iz općinskih službi i eksperte na profesionalnom radu u naučnim ustanovama i drugim pravnim licima.

O angažovanju lica iz stava 1 ovog člana, odlučuje komandant Općinskog štaba, na prijedlog načelnika štaba ili članova Općinskog štaba.

Član 9.

Sjednice Općinskog štaba saziva i njima predsjedava komandant Općinskog štaba.

U slučaju njegove spriječenosti da vrši svoju funkciju, sjednice Općinskog štaba saziva i predsjedava načelnik Općinskog štaba.

Općinski štab će donijeti poslovnik o svom radu.

Član 10.

Općinski štab ima pečat koji se izdaje u skladu sa Odlukom o pečatima Općine.

Član 11.

Sjedište Općinskog štaba je u prostorijama Službe civilne zaštite Kalesija zgrada SJB, OMO i CZ-a, sjednice se održavaju u mjestu određenom poslovnikom o radu Općinskog štaba.

IV – STRUČNA SLUŽBA OPĆINSKOG ŠTABA

Član 12.

Funkciju stručne službe Općinskog štaba vrši Služba civilne zaštite.

U vršenju poslova u funkciji stručne službe, Služba obavlja stručne, administrativne, tehničke i druge poslove neophodne za rad Općinskog štaba što se bliže utvrđuje pravilnikom o unutrašnjoj organizaciji Službe civilne zaštite.

V - OPREMANJE I FINANSIRANJE OPĆINSKOG ŠTABA

Član 13.

Općinski štab se oprema odgovarajućom opremom i materijalno-tehničkim sredstvima koja su neophodna za ličnu zaštitu članova štaba i za izvršavanje zadataka iz njegove nadležnosti.

Član 14.

Sredstva za finansiranje Općinskog štaba obezbjeđuju se u budžetu Općine kao i iz prikupljenih sredstava po članu 180. Zakona o zaštiti i spašavanju ljudi i materijalnih dobara od prirodnih i drugih nesreća i donacija („Sl. novine FBiH“, broj 39/03 i 22/06).

Sve aktivnosti na određivanju uslova i visine naknade za rad članova Općinskog štaba civilne zaštite, priprema Služba civilne zaštite u saradnji sa komandantom štaba, a odgovarajuću odluku o tim pitanjima donosi Štab civilne zaštite.

Sredstva potrebna za rad Općinskog štaba, kao i finansijski plan, utvrđuje Općinski štab.

Naredbodavac za finansijska sredstva je komandant Općinskog štaba, a u slučaju njegove spriječenosti načelnik Štaba.

VI – PRELAZNE I ZAVRŠNE ODREDBE

Član 15.

Imenovanje komandanta, načelnika i članova Općinskog štaba izvršit će se najkasnije u roku od 15 dana od dana stupanja na snagu ove Odluke.

Član 16.

Danom stupanja na snagu ove Odluke, prestaje da važi Odluka o osnivanju i sastavu Općinskog štaba civilne zaštite («Službeni glasnik općine Kalesija», broj 02/04).

Član 17.

Ova Odluka stupa na snagu danom objavljivanja u «Službenom glasniku općine Kalesija».

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj, 01-05-2-649
Datum, 28.02.2007. godine

PREDSJEDAVAJUĆI
OPĆINSKOG VIJEĆA
Hata Mujčinović, dipl. ing. tehn. s.r.

18

Na osnovu člana 41. Statuta općine Kalesija („Sl. glasnik općine Kalesija“, br. 7/03 i 12/05), Općinsko vijeće Kalesija na sjednici održanoj dana 28.02. i 05.03.2007. godine, d o n o s i

ODLUKU

o izmjenama i dopunama Programa
asfaltiranja puteva na području
općine Kalesija u periodu
2005 – 2008. godina

Član 1.

Član 1. Programa asfaltiranja puteva na području općine Kalesija u periodu 2005. – 2008. godina („Sl. glasnik općine Kalesija“, broj 6/05) mijenja se i glasi:

„U periodu 2005. – 2008. godina vršit će se asfaltiranje lokalnih i nekategorisanih putnih pravaca na području općine

Kalesija sistemom finansiranja 50% građani, 50% Općina Kalesija, samo za putne pravce koji se prvi put asfaltiraju.

Asfaltiranje oštećenih lokalnih i nekategorisanih putnih pravaca koji su ranije asfaltirani vršit će se sistemom finansiranja 40% građani, 60% općina Kalesija“.

Član 2.

Ostale odredbe Programa ostaju nepromijenjene.

Član 3.

Ova Odluka stupa na snagu danom objavljivanja u „Službenom glasniku općine Kalesija“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj, 01-05-2-650
Datum, 28.02.2007. godine

PREDSJEDAVAJUĆI
OPĆINSKOG VIJEĆA
Hata Mujčinović, dipl. ing. tehn. s.r.

19

Na osnovu člana 38. stav 3. Zakona o pravobranilaštvu („Sl. novine TK“, broj 4/04), člana 41. Statuta Općine Kalesija („Sl. glasnik općine Kalesija“, broj 7/03 i 12/05), na prijedlog Komisije za izbor i imenovanje, Općinsko vijeće Kalesija, na sjednici od 28.02. i 05.03.2007. godine, d o n o s i

RJEŠENJE

o imenovanju Općinskog pravobranioca
općine Kalesija

I

Za Općinskog pravobranioca Općine Kalesija, imenuje se Halil (Alija) Aščić, dipl. pravnik iz Vukovija Gornjih.

II

Općinski pravobranilac imenuje se na period od četiri (4) godine, a stupa na dužnost 05.03.2007. godine.

III

Ovo Rješenje stupa na snagu danom objavljivanja u „Službenom glasniku Općine Kalesija“, a objavit će se i u „Službenim novinama Federacije Bosne i Hercegovine“.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj, 01-05-2-678
Datum, 06.03.2007. godine

PREDSJEDAVAJUĆI
OPĆINSKOG VIJEĆA

Hata Mujčinović, dipl. ing. tehn. s.r.

20

Na osnovu člana 13. stav 1. Zakona o principima lokalne samouprave u Federaciji Bosne i Hercegovine („Sl. novine FBiH“, broj 49/06), člana 41. Statuta općine Kalesija («Sl. glasnik općine Kalesija», broj 7/03 i 12/05), Općinsko vijeće Kalesija na sjednici održanoj 28.02. i 05.03.2007. godine, d o n o s i

PLAN PROLJETNE SJETVE ZA 2007. GODINU

1. UVOD

Osamdesetih godina područje Općine Kalesija je bilo jedno od najpoznatijih poljoprivrednih područja u bivšoj SRBiH pa i šire. Tadašnje poljoprivredno dobro „Spreča“ je bilo dobro uređeno poljoprivredno gazdinstvo sa razvijenom infrastrukturom i veoma velikom proizvodnjom mlijeka, ratarskih kultura i industrijskog bilja. Sve ove karakteristike područja Općine Kalesija bile su vidljive i svakom prolazniku jer su se plodne i obrađene parcele pružale većim dijelom puta Tuzla – Zvornik.

Privatizacijom državnih preduzeća Poljoprivredno preduzeće „Spreča“ privatiziraju fondovi, koji nažalost ovo preduzeće dovode do stečaja koji je u toku. Istovremeno sa gašenjem ovog nekada gigant preduzeća niču mali poljoprivredni proizvođači u oblasti proizvodnje mlijeka, žitarica, soje, povrća u manjem obimu, jagodičastog voća i voćnih zasada.

Kroz proteklih 5 – 6 godina ovi mali poljoprivredni proizvođači su stasali u manja stabilna poljoprivredna gazdinstva, tako da su oni sa svojim proizvodima sve više i više prisutni na tržištu.

Ovom pozitivnom trendu razvoja poljoprivrede na području Općine Kalesija doprinijelo je više faktora:

- nemogućnost stanovništva da nađe profitabilniji posao,
- mjere Federalne i Kantonalne vlade koje podstiču primarnu poljoprivrednu proizvodnju,
- promjena opšteg odnosa prema poljoprivredi.

2. STRUKTURA I OBIM SJETVE

Kod izrade plana proljetne sjetve za 2007. godinu vodilo se računa o stanju osnovnog resursa – poljoprivrednog zemljišta, odnosno dosadašnjeg stepena njegovog korištenja.

U 2007. godini realno se planira proljetna sjetva sa površinama i kulturama navedenim u sledećoj tabeli a na bazi ostvarenja iz 2006. godine.

R. B	NAZIV KULTURE	OSTVARENO U 2006. GODINI (ha)	PLANIRANO U 2007. GODINI (ha)
01	Ječam jari	20	40
02	Zob	50	40
03	Lucerka	200	210
04	DTS	850	840
05	Kukuruz zрно	1800	2300
06	Kukuruz silaža	1000	1000
07	Krompir	480	600
08	Grah	65	70
09	Luk crveni	28	50
10	Luk bijeli	13	35
11	Kupus	20	55
12	Paradajz	35	60
13	Paprika	40	60
14	Krastavac	30	65
15	Ostalo povrće	40	50
16	Ostalo krmno bilje	85	60
17	Soja	36	20
U K U P N O:		4792	5555

Iz prethodne tabele se vidi da je planom proljetne sjetve u 2007. godini planirano da se na području Općine Kalesija obavi sjetva na površini od 5555 ha, što je više za 763 ha u odnosu na ostvarenje 2006. godine.

Razlozi povećanja sjetvenih površina u 2007. godini su:

- Organizovani otkup mlijeka,
- Zakup državnog poljoprivrednog zemljišta,
- Izdvajanje novčanih sredstava od Federalnog i Kantonalnog budžeta na ime

podsticaja primarne poljoprivredne proizvodnje za područje Tuzlanskog Kantona.

3. PLAN POTREBNIH
REPROMATERIJALA ZA
PROLJETNU SJETVU

Da bi realizacija plana proljetne sjetve bila uspješna potrebno je obezbijediti dovoljne količine repromaterijala utvrđene na bazi planske strukture sjetvenih površina na području Općine Kalesija.

Vrsta repromaterijala	Sjetvene površine ha	Utrošak sjemena kg/ha	Ukupno kg	Cijena po jedinici mjere u KM	Ukupno KM
Sjeme kukuruza	3 300	25	82500	3,50	288750
Zob,Ječam	80	200	16000	0,45	7200
Krmno bilje	1 100	30	33000	7,00	231000
Krompir	600	2500	1500000	1,00	1500000
Grah	70	50	10500	3,00	1500
Crveni luk	50	600	30000	2,50	75000
Bijeli luk	35	350	12250	3,00	36750
Ostalo povrće	290	-	-	-	166242
Soja	20	100	2000	1,00	2000
NPK đubrivo	5555	300	1666500	0,48	799920
KAN 27 %	5555	150	833250	0,35	291637
Dizel gorivo	5555	50	277750	1,50	416625
Ulje i mazivo	5555	4	22220	5,00	111100
Herbicidi	5555	3	16665	20,00	333300
Insekticidi	900	2	1800	20,00	36000
Fungicidi	900	2	1800	20,00	36000

UKUPNO:

4363024

Iz predhodne tabele vidljivo je da su za realizaciju plana proljetne sjetve potrebna sredstva u iznosu od 4 363 024 KM a sa PDVom to bi iznosilo oko 5 104 738 KM.

U cilju ostvarenja plana proljetne sjetve na bazi vlastitih procjena te potreba iz ranijih perioda potrebno je da poljoprivredne apoteke obezbijede određene preduslove kao što su:

1. Obezbijediti kvalitetno sjeme i sadni material sa odgovarajućim porijeklom, certifikatom, fitopatološkim uvjerenjem i sortnoj čistoći.

2. Obezbijediti ostale repromaterijale za sjetvu (mineralna đubriva, zaštitna sredstva, gorivo i mazivo)

3. Blagovremeno obezbijediti neophodne rezervne dijelove za mehanizaciju (traktori i priključna oruđa), po planu nabavki kod poljoprivrednih proizvođača.

Bosna i Hercegovina
Federacija Bosne i Hercegovine
TUZLANSKI KANTON
OPĆINA KALESIJA
OPĆINSKO VIJEĆE
Broj, 01-05-556
Datum, 06.03.2007. godine

PREDSJEDAVAJUĆI
OPĆINSKOG VIJEĆA

Hata Mujčinović, dipl. ing. tehn. s.r.

S a d r Ź a j

OPĆINSKO VIJEĆE	Strana
13. Odluka o određivanju naknade za preuzeto građevinsko zemljište u 2007 godini na području općine Kalesija	11
14. Odluka o gubljenju statusa nepokretnosti u općoj upotrebi	12
15. Odluka o određivanju referenduma za osnivanje nove MZ	12
16. Odluka o određivanju referenduma za osnivanje nove MZ	13
17. Odluka o osnivanju Općinskog štaba civilne zaštite Kalesija	13
18. Odluke o izmjenama i dopunama Programa asfaltiranja puteva na području općine Kalesija u periodu 2005 – 2008. godina,	15
19. Rješenje o imenovanju Općinskog pravobranioca općine Kalesija	15
20. Plana proljetne sjetve za 2007. godinu	16